

13 АВГУСТА: Предпразднство происхождения Честнаго и Животворящаго Креста Господня и священномученика Вениамина, митрополита Петроградского, и иже с ним пострадавших преподобномученика Сергия и мучеников Юрия и Иоанна.

Вечером 12 августа

Изменяемое №1

На Господи воззвах:

Стѹх: Изведи из темницы душу мою, исповѣдаться имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония назиши, Господи, Господи, кто постоит; яко у Тебе очищение есть.

Стѹх: Имене ради Твоего потерпех Тя, Господи, потерпѣ душа моя в слово Твое, упова душа моя на Господа.

Стѹх: От стражи утренния до нощи, от стражи утренния, да уповает Израиль на Господа.

Глас 6: Измлада неленостно поучаяся в законе Господнем,/ чистую любовь к Богу возгорелся еси/ и мученическаго подвига желанием уязвился еси,/ священномучениче Вениамине,/ святителю славный Церкви Русския./ Егда же приведе тя Христос ко жребию оному,/ ничесоже убоясь, благодарне рекл еси:/ слава Тебе, Богу нашему, во веки.

Стѹх: Яко у Господа милость, и многое у Него избавление, и Той избавит Израиля от всех беззаконий его.

Видя Господь добродетели твоя,/ саном архиерейским возвеличи ты/ и, во укрепление веры Православныя,/ во дни гонения безбожнаго на Церковь Русскую/ главою митрополии Петроградския постави./ Ты же, священномучениче Вениамине,/ паству твою мудре ко Христу путеводя,/ образ веры и терпения всем явил еси/ и

исповѣдник непоколебимый показáлся есѣ./ Сего ради ты с любовью прославляем.

Стѣх: Хвалите Господа всѣ языцы, похвалите Его всѣ людие.

Избранный Богом на престол святителей Петроградских,/ не дал есѣ покоя телесѣ твоему,/ но, во вся пределы стольнаго града стопы твоѣ направляя,/ нищия и недужныя посещал есѣ/ и духом смиренія и милосердія воедино паству твою собирал еси,/ священномучениче Вениамине, отче наш./ Тѣмже молим тя:/ не забуди и нас, любовью ты почитающих,/ но милостивно посети души наша.

Стѣх: Яко утвердѣся милость Его на нас, и истина Господня пребывает во вѣк.

Глаголет Господь во святѣм Евангелии:/ не убійтеся от убивающих тело,/ души же не могущих убійти./ Сего ради и ты, святе Вениамине,/ слову Божию послѣдуя,/ прещений власти безбожныя не устрашилсѣ есѣ,/ но, укрепляемъ благодатию Духа Пресвятаго,/ мученическую кончину доблественне приял есѣ./ И ныне молисѣ о всех нас,/ да пребудем и мы непоколебими и тверди в вѣре Православней/ во вся дни живота нашего.

Слáva, глас 1: Богу себѣ предавше,/ стезею любве в жизни сей шествовасте,/ святителю Вениамине и преподобномучениче Сѣргіе,/ вкупе с духовными чады Юрием и Иоáнном,/ егда же буря нечестія на Цѣрковь Русскую воздвѣжесѣ,/ вы, прещений и лжесвидѣтельств мучителей не убоявшесѣ/ и ревностию о Бозе связуемии,/ даже до крове за Христа пострадасте./ Ныне же, божественным свѣтом осияваемѣ,/ молитесѣ прилежно Богу/ даровати нам мир и велию милость.

И ныне, Крестá: Днесь яко воистинну/ святовещанный глагол Давидов конѣц прият:/ се бо яве пречистых ног Твоих поклоняемсѣ подножию/ и, на сень крилу Твоею надеющесѣ,/ Всещедрый, вопиѣм Ти:/ да знаменается на нас свет лица Твоего./ Православных людей Твоих рог вознесѣ/ честнаго Крестá Твоего воздвѣженіем,/ Христѣ Многомилостиве.

<далее см. основной Чин>

Изменяемое №2

Лития *глас 1:*

Крестá всечестна́го непоборѣмая сила/ укрепляше вас в по́двизе ва́шем,/ святѣтелю Вениамѣне и преподобномучениче Сѣргие,/ мученицы святѣи Ю́рие и Ио́анне, бы́сте бо избра́нни, я́ко ве́рнии раба́ Христо́ви,/ славнии исповедницы четверочѣсленнии,/ во о́браз четвероконѣчнаго Крестá Господня,/ освящающаго концы вселенныя.

Мученицы четверочѣсленнии, неповѣнно уби́еннии,/ блаже́н град, ѣже прѣят телеса́ ва́ша,/ и земля́, яже напо́ена ва́шими кровью́ми,/ вы бо, Христа́ всемъ сердцемъ возлюбивше,/ даже до смерти верни Тому пребыли есте./ Ны́не же, с лики новомучениковъ и исповедниковъ Церкви Русския/ Престолу Пресвятыя Троицы предстояще,/ молитвы ваши Богу вознесите,/ да сохранѣтъ градъ и страну́ на́шу в мѣре и единомыслии/ и изба́вит ны от прещѣ́ния Своего́ пра́веднаго.

Сла́ва: Егда́ мучители безбожнии смерти вас предаваху,/ ты, святѣтелю Вениамѣне,/ крестнымъ зна́мениемъ себе огражда́л еси/ и моли́тву благодарения Богу возносил еси./ Ты же, преподобномучениче Сѣргие,/ о вразѣхъ твоѣхъ молитвенно въздыха́я, вопия́л еси:/ прости́ им, Бо́же, не ве́дѣютъ бо, что творѣ́ют./ Купно с ними и вы, мученицы Ио́анне и Ю́рие,/ страхъ смерти презревше,/ ко страданію мужественно потекли есте/. Ны́не же, святѣи, во славе Небесней пребывающе,/ с лики ангельскими Святу́ю Троицу прославляете.

И ны́не, Богоро́дичен: Се испо́лнися Иса́иино прорече́ние:/ Де́ва бо роди́ла еси́/ и по рождествѣ́, я́ко прѣ́жде рождества́, пребы́ла еси́,/ Бог бо бе Рождѣ́йся, те́мже и естества́ новопресече́./ Но, о Богома́ти,/ моле́ния Твоѣхъ рабо́в,/ в Твое́мъ хра́ме приноси́мая Тебе́, не прѣ́зри,/ но я́ко Благоутро́бнаго Твоѣ́ма рука́ма нося́щи,/ на Твоѣ́ раба́ умилисе́рдися/ и моли́ спасти́ся душа́м на́шим.

<далее см. основной Чин>

По полиелѣи седа́лен *глас 1:*

Испыта́ тя Господь, святителю сла́вне, и обрете́ верна Себе́/ и, яко зláто в пещи́ страда́ний, очисти́в,/ яко во́лну, убели́ тя./ Ты же, проше́д сквозе́ о́гнь и во́ду,/ обрел еси́ вѣчный по́кой, о ка́меню драгѣй, украшение Цѣркве на́шей.

Сла́ва, и ны́не: Честне́йши яви́лася еси́ Херувѣм,/ на земли́ ро́ждшая Христá, всех Влады́ку,/ Чѣстая Всенепоро́чная Влады́чице.

Изменяемое №6

Степѣнна, 1-й антифѣн 4-го гласа.

Прокѣмен **глас 4:** Проидѣ́хом сквозе́ о́гнь и во́ду,/ и извѣл еси́ ны в по́кой. **Стих:** Разже́гл ны еси́, якоже разжиза́ется сребро́.

<далее см. основной Чин>

Изменяемое №7

По 50-м псалмѣ стихѣра **глас 6:**

Небеса́ возвесели́шася во страда́нии вашем,/ святителю Вениамѣ́не и преподобномучениче Сѣ́ргие,/ мученицы Иоáнне и Ю́рие,/ во́ини честнѣ́и Христá Бо́га на́шего четверочи́сленнии./ Ны́не, во Ца́рствии Небе́снем неразлу́чны пребыва́юще,/ моли́теся ко Го́споду/ о умире́нии и спасе́нии душ на́ших.

<далее см. основной Чин>

Изменяемое №8

Канѣн святы́х **глас 8.**

Песнь 1

Ирмо́с: Воду́ проше́д, яко су́шу,/ и египетскаго́ зла избежав,/ израильтянин вопия́ше:/ Избавителю́ и Богу́ нашему́ поим.

От ю́ности Христа́ всемъ́ сердцемъ́ возлюбив,/ ше́ствовати а́нгельскимъ́ путе́м изво́лил еси́,/ в моли́твахъ́ же неустанныхъ́ пребыва́я,/ жертву́ духовную́ Бо́гови прине́сл еси́, святителю Вениамине́.

якоже́ оте́ц чадолюбивый́ яви́лся еси́́ многимъ́:/ ни́щим и си́рым, стра́нным и убо́гим, грехми́ обременѣ́нным и в беда́х и болезнехъ́ сущимъ́,/ сокруше́ния и ра́ны ихъ́ исцеля́яй,/ Вениамѣ́не сострада́тельны и пресла́вне.

Простира́л еси́ десни́цу по́мощи одержи́мым недугѣ́м пьянства,/ воздержаніе́ темъ́ проповѣ́дуя и жи́знь во Христе́ техъ́ устроя́я,/ наипаче́ же о́бразъ крѣ́тости и милосерді́я явля́я, Вениамѣ́не всехва́льне.

Богорóдичен: Обрёт Тя, Всечíстая, честнейшую всея твáри,/ воплотíтся из Тебё благовоlí Зиждíтель и Бог всех,/ падшаго Адама восставить промýсливый.

Песнь 3

Ирмós: Небесного круга Верхотворче, Господи,/ и Церкви Зиждителю,/ Ты мене утверди в любви Твоей,/ желаний краю, верных утверждение,/ Едине Человеколюбче.

Словом евангельским паству твою неленостно наставляя, святítелю Вениамíне,/ душу твою за люди по вся дни полагал еси./ Сего ráди Богом прославлен бысть,/ яко достойный архиерей града святáго Петра.

Любве ради к Богу вольней нищете покорился еси, архипáстырю Петроградский,/ темже во дни испытаний лютых Христос дарова ти благодать не токмо веровати в Него,/ но и за Него пострадати.

О слýжбах Бóжиих тщáние являя,/ в молíтвах и бдéниях с пáствою присно пребывáл еси,/ храмы же Господни от поругáния защищáя,/ православная брáтства устроял еси, Вениамíне преслáвне.

Богорóдичен: Чистоты́ и дéвства Сосуде избранный/ и Сына Божия честнóе Селéние,/ Пренепорóчную Влады́чицу, приидíte, вёрнии, пёсньми достойно почтим.

Седáлен, глас 4: Не поставля́ют свещу́ зажжённую под спúдом,/ но на свéщнице, рече Господь./ Та́ко просветíшася свéтом добродетелей твоих, óтче Вениамíне,/ людие Церкви Русския,/ совершáющия днёсь преславно святую́ пáмять твою́.

Слáва, и ны́не, Крестá: Свéтло нéбо показúется пáче со́лнца свéтом Крéстным/ просвещáет вся́ческая зарёю своёю./ Тёмже Ты, Человеколю́бче, Спа́се всяческих,/ просветí ум наш его́ ráди и чýвства:/ мы бо íмамы того́ ору́жие мíру, непобедíмую побéду.

Песнь 4

Ирмós: Ты моя Крепость, Господи,/ Ты моя и сила,/ Ты мой Бог, Ты мое радование,/ не оставь недра Отча/ и нашу нищету посети./ Тем с пророком Аввакумом зову Ти:/ силе Твоей слава, Человеколюбче.

Гонимыя и мучимыя небаязненно укреплял еси,/ гонители же с мучители кротко вразумлял еси,/ прещений тех не страшась, святителю Христов Вениамине,/ тверд пребывая посреде всех навет вражиих.

Стезю правды Христовой неуклонно шествовал еси/ и паству твою, богомудре Вениамине, на путь спасения направлял еси, глаголя:/ подобает душу свою полагати за Христа даже до смерти.

Не возмогша нечестивии крепость души твоя одолети/ и твердость исповедания твоего победити, священномучениче досточудне,/ ты бо, в сердце своем победное Креста знамение нося,/ веру Христову дерзновенно утверждал еси.

Богородичен: О, Деве Неискусобрачная!/ Ты в рождестве Девую пребыла еси/ и по рождестве Приснодевою явилася еси./ Тем немолчными гласы Тя, Владычице, величаем.

Песнь 5

Ирмос: Просвети нас повелении Твоими, Господи,/ и мышцею Твоею высокою/ Твой мир подаждь нам,/ Человеколюбче.

Щедраго даятеля любит Господь,/ вопиял еси в сердце твоём, святителю нищелюбче,/ темже, непрестанное попечение о страждущих имея,/ верных милостыню неоскудно подавати научал еси.

Любовию ко алчущим болезнуя,/ молитву теплую ко Пречистой Богородице принесл еси/ и ризу от честнаго образа Ея,/ яко жертву добровольную, нуждающимся подал еси.

Егда прииде время смуты лютыя и востания безбожных,/ люди от кровопролития премудре удержал еси./ Нечестивии же оболгашу тя, исповедниче Христов,/ злом за добро тебе воздавая.

Богородичен: О, Мати Божия, рождающая Всеблагое Слово!/ Души моея озлобление исцели/ и на путь покаяния направи.

Песнь 6

Ирмос: Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Иона:/ от тли, Боже, возведи мя.

Егда отступницы нечестивии,/ предания церковная отвергающия и нововведения лъстивно вводящия, ополчишася на тя,/ тогда ты, богомудре Вениамине, неложно учил еси,/ како подобает в дому Божием жити,/ яже есть Церковь Бога Жива, столп и утверждение Истины.

Егда отступницы от веры лжами и клеветами оболгаху тя/ и в рúце грéшников преда́ша,/ ты, святíteлю, яко истинный раб Христóв, в вере пребыва́я, кротце рекл еси:/ ра́достне ми есть Христá ра́ди вся терпéти от своих и чуждых.

Пред мучители на суди́щи предстоя́,/ о правде Бо́жией свидéтельствoвал еси, святителю, глаголя:/ не вем, яко возвестíte ми,/ еже ж́ити или умерети./ Обаче óчи свои горé возведú и рекú:/ за вся, Гóсподи, сла́ва Тебé.

Богорóдичен: Глас архангела Гаври́ила, Дéво Всенепорóчная, ны́не Тебе приносим:/ ра́дуйся, Благодатная, Господь с Тобою.

Конда́к, глас 6: От юности крéст Христóв на ра́мо взéм,/ й́стинный стра́ж Правосла́вныя Цéркве яви́лся еси́,/ священномúчениче Вениамíне./ Клеветú, úзы, оплевания, и суд непра́ведный/ от беззакóнных мúжественне претерпева́я,/ святýню церкóвную на поругáние не пре́дал еси́./ Тémже и Христóс дáром терпéния и любвé тя испóлни,/ во éже пред мúченическою конч́иною/ со благодарéнием взыва́ти:/ за вся, Гóсподи, сла́ва Тебé.

Й́кос: Яви́ тя Госпóдь, святíteлю óтче Вениамíне,/ украшéние гра́ду нашему́ вéлие,/ д́ивнаго предстáтеля о лю́дех твоих,/ й́стиннаго свидéтеля правды Бо́жия,/ наставника заблúждшим,/ любвé и крóтости пра́вило,/ светíльника во тьме грехóвней сия́юща,/ мúченика дерзнове́ннаго,/ исповéдника твёрдаго,/ столпа неколеб́имаго Цéркве на́шей,/ и вёрнаго служ́ителя Своего́, рекшаго:/ за вся, Гóсподи, сла́ва Тебé.

Песнь 7

Ирмо́с: От Иудеи дошедше отроцы/ в Вавилоне иногда,/ верою Тройческою пламень пещный попраша, поюще:/ отцев Боже, благословен еси.

От юности подвигом святых страсотерпцев приобщитися желая,/ чашу страданий испил еси, святителю Вениамине./ Темже увенча тя Господь венцем мученическим, взывающа:/ благословен еси, Господи, Боже, во веки.

Борением внутренним в темнице томимь,/ воли Божией всецело предался еси, мучениче добропобедный,/ и, покоем Небесным исполнився, яко отроцы в печи Вавилонстей воспевал еси:/ благословен еси, Господи, Боже, во веки.

Во узилищи сый,/ чашу страданий, предуготованную тебе, до конца испил еси, мучениче преславне,/ и, велиих утешений и радости неизреченныя от Духа Святаго удостоився,/ добропобедне взывал еси:/ благословен еси, Господи, Боже, во веки.

Богородичен: Вышшая Небесных сил, Единая от веков Ты явилася еси, Богородительнице,/ Зиждителя бо и Творца всяческих родила еси несказанно,/ Всечистая Владычице.

Песнь 8

Ирмос: Царя Небеснаго,/ Егоже поют вси Ангельстии/ хвалите и превозносите во вся веки.

Пастырей Церкви Христовой назидал еси, мудре архиерею,/ да все упование на Бога возложат и верою неколеблемою вооружатся,/ Спаситель бо наш сохранит Церковь Свою нерушиму до скончания века.

Христос наша Жизнь, Свет и Покой,/ с Нимже и в темнице добро есть быти,/ сице наставлял еси паству твою, святителю Вениамине,/ и предуготовлял еси ю к страданием, взывая:/ Господа пойте и превозносите во вся веки.

Не аз спасаю Церковь, но Ею сам спасаюсь,/ тако смиренно помышлял еси, священномучениче Вениамине./ Сего ради нимало страшился еси о судьбе Невесты Христовы, взывая:/ Господа пойте и превозносите во вся веки.

Богородичен: Жезл из корене Иессеева, Дево, была еси,/ Цвет возрадивши, Христа Жизнодавца,/ благодать всем подающего, взывающим:/ благословите, вся дела Господня, Господа.

Пёснь Богорóдицы: Велíчит душá мойá Гóспода: <см. основной Чин>

Песнь 9

Ирмóс: Воистинну Богородицу,/ Тя исповедуем,/ спасеннии Тобою, Дево Чистая,/ с Безплотными лики Тя величающе.

Не посрамíм вёры Правослáвныя и упováния нáшего,/ яже есть надéжда благ вéчных,/ сими словесý в гонениих укрепля́л еси́ паству твою́, святíтелю Вениамíне,/ исполня́я служéние своё дáже до смерти.

Мужественне смёрть прияти уготавли́аяся,/ сострадáльцы твоя укрепля́л еси́/ и, вся благодарне претерпева́я,/ мучíтели твоя благослови́л еси́, Вениамíне терпеливодушне.

Испóлнися слово апóстольское во страдании вáшем, мýченицы четверочи́сленнии,/ я́ко ни скорбь, ни гонéния, ни настоящая, ни грядúщая/ не возмо́гут вёрныя отлучíти от любвё Бóжия./ Сего́ ра́ди вас ублажа́ем.

Богорóдичен: Тя, неискусомúжно рóждшую Жизнода́вца и Спа́са,/ Богорóдицу воистину исповéдуем и мо́лим приле́жно,/ изба́ви нас от всякия скóрби и болезни моли́твами Твоими, Ма́ти Де́во.

<далее см. основной Чин>

Изменяемое №9

Светíлен:

В ми́ре скóрбни бу́дете,/ но дерза́йте, я́ко Аз победи́х мир, глаго́ла Госпо́дь ученико́м Свои́м./ Сей завет Христов до́бре храни́л еси́, архиере́ю пра́ведный,/ и побéдно восше́л еси́ во свéтлыя черто́ги Цáрства Небе́снаго.

Сла́ва, и ны́не, Крестá:

Крест предпра́зднуется и мир освяща́ется,/ чíни а́нгельстии пою́т нас ради Распе́ншагося,/ и торжествуют с на́ми и срáдуются, Дави́дски зову́ще:/ соде́ла спасéние посреде́ земли́, Влады́ко.

<далее см. основной Чин>

Изменяемое №10

На стихóвне стихи́ры глас 2:

Егда́ лжепасты́рие лукави́и/ вла́сть церко́вную восхíтити и стадо словесное расточити восхотéша,/ тогда в бе́гство не обрати́лся еси́,/ архиере́ю до́блестный Вениамине,/ и корми́ло кора́бля церковнаго,/

еже вручи тебе Господь, а не человек,/ в руке чуждых не предал еси,/ но пастырь добрый показался еси,/ полагая душу твою за овцы твои.

Стих: Священники Твои облечутся в правду/ и преподобнии Твои возрадуются.

Егда отступники, предания церковная отвергающия/ и новыя обычаи вводящия,/ от Церкви Святыя отлучил еси,/ тогда ты, святителю Вениамине,/ теми в руке безбожных предан был еси,/ иже на смерть ты неправедне осудиша./ Сего ради мученическим венцем украсился еси/ и Небесная сокровища обрел еси,/ светлая красота града нашего.

Стих: Честна пред Господом/ смерть преподобных Его.

Егда безбожнии мучители/ прещении лъстивыми тя устрашаху/ и воли своей покорити тщахуся,/ тогда, иерарше предивне,/ ревностию по Бозе распалаемь,/ в броню правды облеклся еси/ и, твердость веры неколебимо являя,/ мученическую смерть приим еси,/ верным людям образ терпения показуя.

Слава: Ведому ти на судище беззаконное,/ вси вернии на стогнах Петрова града/ сретяху тя, страстотерпче святой Вениамине,/ и, во умилении сердечном колена своя преклоняюще,/ со слезами воспеваху песнь церковную:/ спаси, Господи, люди Твоя.

И ныне: Ты ми покров державен еси,/ тричастный Кресте Христов:/ освяти мя силою твоєю,/ яко да верою и любовью поклоняюсь и славлю тя. *<далее см. основной Чин>*

Утром 13 августа

Изменяемое №11

По 1-м стихословии седальны *глас 3:*

Посрамил еси, святе Вениамине, лжеучители нечестивыя,/ слово евангельское искажившия и разделение в Церкви произведшия./ Тщетно бо тии словеса лъстивыми склоняху тя от истины Христовой отступить/ и паству, юже ти Бог вручи, оставить./ Ты же, святителю, десницею Божиею укрепляемь,/ тверд и непреклонен до конца пребыл еси.

Слава, и ныне, Богородичен: *<далее см. основной Чин>*

Изменяемое №12

По 2-м стихословии седальны глас 8:

Аще и торжествоваху беззаконнии,/ иже искаша погібели твоя,
архипастырю и мучениче достославне,/ но привременне и память их
погібе с шумом./ Твое же имя, яко Истины побóрника, сияет на
Небесех/ и слава твоя во веки пребывает неизменна.

Слава, и ныне, Богородичен: <далее см. основной Чин>

Изменяемое №13

Тропарь глас 1:

Светильник всесвѣтлый во граде святаго Петра явился еси,
пастырю добрый, священномучениче отче Вениамине./ Любóвь и
милосердие в сердцах верных насаждая,/ благотворити призывал
еси терпящим глад и нищету./ Сего ради и мы к тебе прибегаем/ и с
верою вопиём ти:/ моли Милостиваго Бóга,/ отечество наше в
Православии и благочестии утвердити,/ мир Церкви даровати/ и
душам нашим велию милость.

И тропарь Креста, глас 1: Спаси, Господи, люди Твоя,/ и благослови
достояние Твое,/ победы православным христианом на
сопротивных даруя,/ и Твое сохраняя Крестом Твоим жительство.

<далее см. основной Чин>

Изменяемое №14

На хвалитех стихирь:

Стих: Сотворити в них суд написан./ Слава сия будет всем преподобным Егó.

Стих: Хвалите Бóга во святых Егó,/ хвалите Егó во утвержении силы Егó.

Стих: Хвалите Егó на силах Егó,/ хвалите Егó по множеству величества Егó.

Глас 8: Священномучениче Вениамине, Церкви Христовы истинный
сыне/ и благостояния Ея усердный ревнителю,/ противу
лжепастырей, тщасящихся расхитити стадо твое,/ мужественно стал
еси/ и, не убоявся прещений и лжесвидетельств мучителей,/
обратил еси суд на главу судивших тя,/ таже смертью твоею
Православие утвердил еси./ Сего ради тя усердно ублажаем.

Стих: Хвалите Егó во гласе трубнем,/ хвалите Егó во псалтири и гуслех.

Ни словес плетением,/ ни мудростию человеческою,/ но паче
простотою и правдою/ проповедь твоя, иерарше досточудне,
исполнена бысть,/ глубины сердечныя достигаючи/ и веру правую

в людех укрепляюще./ Сего ради, яко истинного пастыря,/ вси ты с любовью почитаем.

Стѹх: Хвалѹте Егѡ в тимпанѣ и лице,/ хвалѹте Егѡ во струнах и органѣ.

Духом евангельския любве пламенея/ и о пастве твоей болѣзную,/ жилища страждущих и убѡгих посещал еси/ и, многих на путь истины наставляя,/ во ограду церковную приводил еси./ Темже ты, святителю отче Вениамине,/ яко пастыря добраго и наставника верна ведуще,/ с любовью благочестно почитаем.

Стѹх: Хвалѹте Егѡ в кимвалѣх dobroгласных, хвалѹте Егѡ в кимвалѣх восклицанія./ Всякое дыханіе да хвалит Господа.

Клеветѹ от человек беззаконных,/ суд неправедный и предательство лжебратий,/ мужественно претерпел еси,/ священномучениче Вениамине,/ таже и смерть за Христа приял еси/ и жребия высокаго удостоился еси./ Сего ради с любовью почитаем ты/ и совершаем всечестную память твою.

Слѡва, глас 6: Приидите, вернии, составим лик,/ торжествующе и Бога прославляюще/ в память новомучеников четверочисленных:/ Вениамина святителя и Сергия преподобномученика,/ вкупе с мученики добропобедными Юрием и Иоанном,/ сии бо, Церковь Христову защищающе,/ не уклонишася скорби,/ ни убояшася темницы/ и, яко агнцы незлобивии, смерть прияша./ Ныне же в радости святых предстоят/ и молят Троидинаго Бога/ о земном отечестве нашем.

И ныне, Богородичен: <см. основной Чин>

Изменяемое №15

Кондак глас 6:

От юности ѿго Христоу на рамо возем,/ истинный страж Православныя Церкви явился еси,/ священномучениче Вениамине./ Клеветѹ, ѹзы, страдания и суд неправедный/ от беззаконных мужественно претерпевая,/ святѹю церковную на поруганіе не предал еси./ Темже и Христос даром терпѣнія и любве ты исполни,/ во еже пред мученическою кончиною/ со благодарѣніем взывати:/ за вся, Господи, слава Тебѣ. <далее см. основной Чин>

На Литургии

Изменяемое №20

Прокимен, *глас 7*: Честна пред Господом смерть преподобных Его.

Стих: Что воздам Господеву о всех, яже воздаде ми?

Изменяемое №21

Аллилуиа, *глас 6*: Блажен муж, бояйся Господа, в заповедех Его
восхощет зело. *Стих*: Сильно на земли будет семя его.